

M544D: Mittelfränkische Urkunden: Henricus de Rile 1279-1299

- 380-350,39 Wir Richtere· Scheffenin/ inde Rait· inde gemeyne bürgere van kolne·
düen künt
- 380-350,40 allen den gienen die nū sint inde hernā kumen fūlen inde die diese
haintuefteninge
- 380-350,41 ane gesient inde gehorent/ dat wir mit gūden willen. Vñfeme gemeineme
raide/ inde
- 380-350,42 andere vñfer gemeiner vrūnde· vñbe ewelichen vriede der fteide inde vñfer
bürgere van
- 380-350,43 kolne. Jnde def greuen herren ailfs van den berge· finer lude· inde fines
landes vuerdrain
- 380-350,44 hain· einer vrunzaffe die wir eweliche ftede halden fūlen vur vñf inde vñfe
nakūmelingē·
- 380-350,45 mit deme greuen herren ailfe van dem berge· finen nakūmelingen· inde
finen luden also dāne
- 380-351,1 wis as hie nā bescrieven fteit. Jft dat ieman nu of in einichen ziden her nā
vef=teninge
- 380-351,2 of burg zū Dūze wilt maggen dat fūle wir inde alle vñfe nakūmelingē weiren
- 380-351,3 mit alle vñfer maiht· in gūden truwen fūnder arge lift· dat selue fal helpen
weiren der
- 380-351,4 greue van den berge inde alle fine nakūmelingē mit alle irre maiht in gūden
truwen
- 380-351,5 funder arge lift. Eveier is ieman nu of in einichen ziden her nā de her ove
gewapende
- 380-351,6 lude leigen wilt ze Duze wieder die fstat van kolne fi ane zū veigthene ove zū
hinderne
- 380-351,7 dat fūle wir inde alle vñfe nakūmelingē weiren mit alle Vñfer maiht in gūden
truwen
- 380-351,8 funder arge lift· dat selue fal helpen weren der greue van den berge· inde
fine nākūme=linge
- 380-351,9 mit alle irre maiht in gūden truwen funder arge lift. Euer wierdait nū of in
einichen
- 380-351,10 ziden her nā einich herfchif ove einich ftritlich fchif van vienden der ftede
van kolne
- 380-351,11 gehangen wurde wieder die fstat van kolne vñ den vlūjs def Rines ze Duze/
ove in dat

380-351,12	lant/ def greuen van den berge· dat fūle wir inde alle vnse nakūmelingē weren mit alle
380-351,13	vnser maiht in gūden truwen funder arge lift· dat selue fāl helpen weren der greue van
380-351,14	dem berge/ inde alle fine nakumelingē mit alle irre maiht in gūden truwen funder arge
380-351,15	lift. Euir wir inde alle vnse būrgere van kolne die fūlen in der graifchaf van dem berge
380-351,16	inde in alle finer maiht· v̄p me lande· inde in den wafzere vriede hain· an liue inde an
380-351,17	gūde· geliche des greuen luden van den berge· dat selue fāl der greue van den berge
380-351,18	inde fine lude hain zū kolne inde in vnser maith gelich v̄nf selues būrgeren van kolne.
380-351,19	Jd in were dat v̄nse heire der erzebiſchhof van kolne inde der greue· van dēberge ſamen
380-351,20	offenbāre ūrlūgedein ſo in fāl der greue van den berge nog fine helpere die dat geſtichte
380-351,21	van kolne ūrlūgient offenbāre roifuent ofte biernent· zū kolne einginen vrieden hain.
380-351,22	Euir alle die van anderen landen varent dūrg die grāifchaf inde dat lant van den berge
380-351,23	mit veilme koife zū kolne· ove van kolne varent· die fūlen van def greuen weigen· van
380-351,24	dem berge· finer nakūmelingē inde finer lude/ dūrg die grāifchaf van den berge inde
380-351,25	dūrg fine maiht vriedeliche varent vp ir recht· dat heit v̄nf der greue van dem berge
380-351,26	geloift in gūden truwen funder arge lift. Euir hain wir ūvir ein gedrain· mit deime
380-351,27	greue van den berge inde finen luden/ iſt dat einch man van ſime lande ove van finer
380-351,28	grāifchaf ſchūltgemair wirt einches ūnf burgers van kolne/ inde die ſchūltgemare in die
380-351,29	ſtat van kolne kūmit den ſchūlgemare mag man ane ſpreggen mit gerichte inde fāl deme
380-351,30	hendelingen reith dūn mit alſo gedāneme reichte/ ove id bekant gūd is· ſo fāl hie gelden
380-351,31	nā v̄nſer ſtede reithe· ove nā vorworden/ inde ove hie der ſchūlt geit/ ſo fāl hie gelden
380-351,32	binnen vier zeindagen. Jſt oug dat hie der ſcholt lūnit ſo fāl hei hendelingen ſin reith
380-351,33	dūn mit einir haint funder vair· inde fāl neimanne vnſchuldigen ane ſpreggen kumberen
380-351,34	ove haigthen v̄mbe die ſcholt die ein ander gemagt heit· dit ſelue fāl man halden vnſen
380-351,35	burgeren van kolne in def greuen lande van dem berge· inde in alle finer maiht. Wir

- 380-351,36 hain oug vuir drain/ mit denne greuen van dem berge· inde finen vrunden
dat die lude
- 380-351,37 van der grāifchaf van dem berge Vnfen burgeren van kolne vielen koif fūlen
geuen/ inde
- 380-351,38 wir inde vñfe burgere van kolne fūlen wieder geuen vielen koif· deme greuen
van dem
- 380-351,39 berge inde allen finen luden nū inde zū allen ziden. Jd in weire dat vñfe
heire der
- 380-351,40 erzeiffchoif van kolne/ inde der greue van dem berge offenbare famen
ūrlūgeden/ fo in
- 380-351,41 fin wir/ inde vñfe bürgeren van kolne/ deme greuen van den berge inde finen
helperen
- 380-351,42 die dat geflichte ūrlūgeint/ roifent/ ofte birneint ingeinen veilen koif
fchūldich ze geuene
- 380-351,43 die deme geflichte fchedelich fi· alfo lange alfe dat ūrlūge wert· fo dog des
greuen lude
- 380-351,44 van den berge vnfen burgeren van kolne fūlen geuen veilen koif· inde def
greuen lude
- 380-351,45 van den berge die veilen koif zū kolne vūrent· die fūlen vreide hain zū kolne
inde in
- 380-351,46 alle vñfer maiht fūnder arge lift an liue inde an gūde. Wir hain oug vuir ein
gedrain
- 380-351,47 mit deme Greuen van dem berge· inde fineme rāide vñfen gūden vrunden
dat luthere
- 380-351,48 inde eiweliche vrūntfczaf inde gūde gunft tufhen vñf inde/ jn fal wafen mit
gūden truwen
- 380-352,1 funder arge lift. Wir hain oug vuir ein gedrain mit deme Greuen van dem
berge ove
- 380-352,2 einicherhande zuift tufhen ieme/ inde finen luden an eine fide· inde vñfen
bürgeren v̄p ander
- 380-352,3 fide· ūpleife/ dat die ehte der wir viere genūmit hain der bürgermeifter de
fcheffene is
- 380-352,4 we de is· Gerairt fcherfgin· Hejnrich der vlache inde Coftantin crop· inde
der greue van
- 380-352,5 dem berge viere fin Drūzethe wei de is· Diderich van elnere· Sibode van
deme blecge·
- 380-352,6 inde aif van viele· of die nog hernā in ir ftat genūmt fūlen werden an beiden
fiden·
- 380-352,7 die dar vūer zū den heilichen gefworen hauent die fūlen ze famene kūmen
binnen kolne
- 380-352,8 inde fūlen de zviſt ove den v̄ploif fcheiden v̄p ieren eit· ove fi gemanit
werdent van der
- 380-352,9 geiner fiden an den die brug gefcheit is· fo fūlen die viere/ v̄p der fide dat
die brug ge=dāin
- 380-352,10 is/ v̄p iren eit fagen/ we man den brug ove den vploif bezeren fūle binnen
veir zeindagen/ inde of die geine van der fiden die brug gefcheit were neit
380-352,11 in feigthen binnen

380-352,12	vier zeindagen· fo mügen die/ den die brug gefcheit is ir burgen mainen as vmbe einen
380-352,13	brug· die fi ir volgt hain/ Sagent oug die gefwornen/ dat fi faint dat falman dūen binnen
380-352,14	vier zeindagen nā irme fagene· Jnde da vūre fulen· ift van vnfer fiden/ vñfe zweilf
380-352,15	burgin· die wir deme greuen van dem berge gefat hain/ der namen hie nā bifcricuen
380-352,16	fteint· binnen der Mūntaten ze fente Georgiffe· ze kolne leiften· alfe gūdir burgin reiht
380-352,17	is/ danne neit ze kūmene die brug in fi gebefzereit deme Greuen van dem berge inde
380-352,18	finen luden· dā fi vūir gemaint fint. Werit euir van def greuen fide van dem berge/
380-352,19	fo fulen fine zweilf bürgen der namen in der haintvesteninge befcriuen fteint die he
380-352,20	vñf gegeuen hait· zū Mūlinheim leiften/ alfo lange bifz vñf inde vnfen bürgeren die brug
380-352,21	v̄p gericht wiert nā def greuen gefwornen fagen/ nā reihte/ nā minnen/ ove nā fūniligen
380-352,22	dingen. Jft oug dat diefer vierre die vñfe fegere fint inde gefworne einich afluich
380-352,23	wirt/ ove v̄mbe redeliche fagge an den dingen/ neit in mūgte wesen/ fo fal der greue
380-352,24	van den berge van vnfen bürgeren einen anderen kiefen an def ftat/ def da brug is/
380-352,25	hendelingen funder arge lift. Dat felue fūlen wir dūen vnder finen luden ove it an ein
380-352,26	gebricht. Jnde willen dog dat ove diefer vierre v̄mbe redeliche fagge ein drūveir neit
380-352,27	in mūgge wesen/ dat die andere drij vūllenkūmenchlige mügen fagen/ alfe die viere of
380-352,28	fi famen weiren. Jnde wait fi faint da vūre fūlen die bürgin leiften alfe hie vorgefprogin
380-352,29	is. Euir weirt dat einich meindedich man v̄mbe fine offenbāre miffedait virwift wūde
380-352,30	v̄fer der ftat van kolne/ ove nū virwift weire/ inde fich die ze Duze nieder leichte ze
380-352,31	bliuene/ fo der Greue van den berge/ ove fin Drūfzeze def gemaint wūde/ van vñf/ ove
380-352,32	van der ftede weigen van kolne/ fo fal der greue van den berge den man dūen rumen
380-352,33	binnen eithdagen/ ove hie def neit in dede/ vait deme manne dar nā gefchiege/ dā ane
380-352,34	in hedde wir neit miffedān deme Greuen. Were euir dat enichme vñfchuldichme manne
380-352,35	zū den ziden einicher hande fchade gefchiege doitflag· offinde wunde· noitzūg ove def

- 380-352,36 gelich· inde die dat weire gefcheit claiden fo mach die Greue van dem berge
den clegeren
- 380-352,37 richten nā fcheffene ūrdeile inde dog geneidinchliche· meir in claide dā
neiman/ fo fūlen
- 380-352,38 die gefwornen fagien v̄p iren eit/ wei man deme Greuen dat fūle befzeren.
Were euir
- 380-352,39 dat ieman die vient der fteide wiere van kolne/ ove fcholtgemair were einichs
v̄nfes
- 380-352,40 burgerf van kolne inde die man binnen der grafchaf van den berge· an wūrde
gefproggin
- 380-352,41 ove an lant gehalden den fal dei greue van den berge ove fine amptman dūen
biftain
- 380-352,42 bifz an fin gerichte· inde fal v̄nfes burgeren ove iren geweldichen boden
hendelingen
- 380-352,43 reihten nā fines landes reihte· gūntlichen/ funder v̄air inde arge lift. Were
oug dat die
- 380-352,44 greue van dem berge fine amptman ove eiman van finen luden binnen v̄nfer
ftat van
- 380-352,45 kolne ove binnen v̄nfme gerichte iemanne ane wūlden fprechen vmbe
einiche fine miffedait
- 380-352,46 van deme fūlen wirt deme greuen van den berge ove finen luden
hendelingen richte
- 380-352,47 dūen gūntliche funder v̄air inde arge lift. Jnde v̄mbe dat allit dit dat hie
v̄ur bifcriuen
- 380-353,1 fteit ftiede fi inde eweliche gehalden werde/ deme greuen van den berge·
fineme lande
- 380-353,2 inde finen luden van v̄nf· v̄nfes burgeren inde van v̄nfes nākūmeligen van
kolne· fo
- 380-353,3 hain wir deme greuen van dem berge diefe zweilf burgin gefat· die hir na
befcriuen
- 380-353,4 fteint/ ove eit def vpleife dat kenlich weire dat fi geloift inde gefichert haint
mit irre
- 380-353,5 gegeueinre truwen· dat fi gemanit/ fulen leiften alfe hie v̄ur gefproggin is.
Dit fint die
- 380-353,6 b̄urgin die wir gefat hain deme Greuen van dem berge inde fineme rāide·
Gerart fcherf=gin·
- 380-353,7 Daniel ouerftolz· Gerart ouerftolz. Mathies van deme fpeigle· Coftin crop·
Heynrich
- 380-353,8 der vlagge· Johan kleynegedanc· Johan ouerftolz· Bermin kūne· ailbreit
fcalle· Waltem
- 380-353,9 van der adūcht· inde Gerart ouerftolz her Mathies fūn· Jnde wir
v̄urgenūmde burgen
- 380-353,10 bigein def offenbāre inde ūrkūnden dat an diefer haintvefteningen dat wir
b̄urgen worden
- 380-353,11 fin gefichert inde geloift hain alfo alfe hie v̄ur gefproggin is inde virbundin
fin ze alle

- 380-353,12 diefen vûrworden ze haldene mit ûnfer gegeuenre truwen· Jnde Wir·
Richtere· Scheffenin
- 380-353,13 inde vûrgenûmde Burgin weder wir scheffenen of gemeyne burgere fin
irgein des dat
- 380-353,14 wir og famenclige vûr die fstat van kolne/ inde vûr vnf gemeyne bûrgere van
kolne ge=fichert
- 380-353,15 hain mit ûnfer gegeuenre truwen· inde og gefvoren hain zû den heiligen dat
wir
- 380-353,16 diefe vûrworde vûr ûnf/ inde vnfe nakûmelingen/ inde vûr die fstat von kolne
na aller
- 380-353,17 vnfer maicht/ ieweliche fteide halden fûlen. Jnde dat wir die fstat van kolne/
inde die
- 380-353,18 gemeyne bûrgere van kolne in gûden truwen funder arge lift/ dar ane fûlen
halden mit
- 380-353,19 aller vnfer maicht dat fij alle diefe vûrworde/ ieweliche fteide halden deme
Greuen van
- 380-353,20 dem berge/ finme lande/ inde finen luden· inde iren nakûmelingen. Jnde
fo we na ûnf
- 380-353,21 og Richtere of Scheffene oue na gefat bûrge/ oue gefuorne Segere wafen fal
zû kolne/
- 380-353,22 alfe ûnfer einich in is/ die fal ficheren/ inde fveren zû den heilichen/ alfe
wir vûre hain
- 380-353,23 dain· dat hie alle deife vûrworde fteide fûle halden/ inde dûn halden deme
greuen van
- 380-353,24 dem berge/ fineme lande/ finen luden/ inde ire nakûmelingen in gûden
truwen funder
- 380-353,25 arge lift. Were euir dat ûnfer bûrgin/ oue unfer veir gefvornin einich affliuch
würde·
- 380-353,26 fo fûle wir binnen veirzeindagen einin anderen feitzein an des fstat des da
bruch is/ die
- 380-353,27 fal ficheren zû leiftene of hei gemaint wirt/ inde fveren zû den heiligen/ alfe
die andere
- 380-353,28 haint gedain· we wir def neit in deiden fo mach dei greue van dem berge/
oue fine
- 380-353,29 nakûmelinge/ ove ire amptlude/ vnfte andere burgin manin/ die fûlen leiſten
zû funte
- 380-353,30 Georgife binnen der mantaten alfo lange biſf deme Greuen van dem berge
voldain is van
- 380-353,31 dem burgin ove van deme gefvorne des da bruch is/ funder arge lift. Jnde
vpdat dit
- 380-353,32 ieweliche ftiede bliue fo hain wir deme greuen van dein berge/ inde finen
nakûmelingen
- 380-353,33 diefe haintuefteininge gegeuen biſſiegelt mit vnfer fteide ingefigele/ da wir
mit zû alle
- 380-353,34 diefen vûrworden zû haldene ieweliche willen fin virbunden. Dit is gefcheit
na Godis
- 380-353,35 gebûrde Dufint iair· zueihundert iar· indeme eicht inde feuenfzifteme iare/
def maen=dages

380-353,36	na Drützeindeme dage.
N548A-389,22	Wir Adolp van gotz genaden Rōme=fcher
N548A-389,23	kūninc vnd eyn merer des riches
N548A-389,24	dūn kunt allen den die defen breif fehent
N548A-389,25	vnd hūrent lefen daz die satzung des lant=vrides
N548A-389,26	dē kūninc Rūdolf vnfer vūre vare
N548A-389,27	mit gunft vnd mit rade der erberen herren
N548A-389,28	des cardinals des legaten vnd furften
N548A-389,29	beide geiftlicher vnd wereltlicher ge=fetzet
N548A-389,30	hadde zū Wirtzburch in dem geboden
N548A-389,31	houe vns ge oyget vnd ge lefen wart ze
N548A-389,32	Kolne vf dem sale van worden ze worden
N548A-389,33	als he na gefcriben ftait. Dife satzung des
N548A-389,34	lantfrides haue wir Rudolf Romefcher kūninc
N548A-389,35	vnd ein merer des righes mit gunft vnd
N548A-390,2	mit rade der erberen herren des cardinales
N548A-390,3	des legates vnd der furften beide geiftlicher
N548A-390,4	vnd wereltlicher gefetzet ze Wirtzburg in dem
N548A-390,5	geboden hove als hē na gefcreuen fteit.
N548A-390,6	Wir fetzen zeirft vnd gebeiten bi des riches
N548A-390,7	hulden vnd mit ter furften rait vnd ander
N548A-390,8	des riches holden vnd getruwen svelich
N548A-390,9	sun finen vader van finen burgen ove van
N548A-390,10	anderme fime gūte verftōzet oue bernet
N548A-390,11	oue royueit ove ze fines vader viende fich
N548A-390,12	macht mit eiden ove mit truwen dat it vp
N548A-390,13	fines vader eire geit ove vp fin verderf=niffe
N548A-390,14	bizuget in des fin vader zū den
N548A-390,15	heiligen vūr fime richtere mit zvein
N548A-390,16	fchinberen mannen die neman mit rechte
N548A-390,17	verwerpen kan die fun fal fin verdeilleit
N548A-390,18	eygens vnd lenes vnd varendes gūdes vnd
N548A-390,19	genzlichen alles des gūdes ewelige dat eym
N548A-390,20	van vadere ove van mūdere vp in erven
N548A-390,21	fūlde alfo dat im weder richter noch vader
N548A-390,22	noch mūter noch neiman weder helfen
N548A-390,23	mach dat he dar ane recht have zū dem
N548A-390,24	gūte jemer gewinnen mūge Sowelig fun
N548A-390,25	vp fines vader lif redet ove in vrlūgeliche
N548A-390,26	anegrift mit vntruwen ove mit geuencniffe
N548A-390,27	oue in in engeynen bant leget dat geuenc=niffe
N548A-390,28	heizt wirt he dez vūr fime richtere
N548A-390,29	vūrzuget als hie vūregefcreuen is der felue
N548A-390,30	fun is eirlois vnd rechtlois eweligen alfo
N548A-390,31	dat hie nemer wieder kūmen mach in fin
N548A-390,32	recht mit en geynnen dingen. Alle die oich

N548A-390,33	der vader zû gezuge nimt vûr den richtere
N548A-390,34	vuer alle die fachge die hie vûr gefcriuen
N548A-390,35	fint die fulen des neit vuer fin weder dÛrch
N548A-390,36	fippe noch dÛrg engeynrehande fachge fine
N548A-390,37	ge fteyn dem vadere der wairheit Die
N548A-390,38	des neit dÛn in wilt den fal de richtere
N548A-390,39	dar zû dwingen it enfi dat hie vûr dem
N548A-390,40	richtere fvere vp den heyligen die hie dar
N548A-390,41	vmbe neit enwiffê Hât de vader deinfst=manne
N548A-390,42	ove eygene lude van der rade ove
N548A-390,43	van der helpe de fun diefe dinc ge dain
N548A-390,44	hait wieder finen vader die he enboven
N548A-391,2	gefcriuen fteynt bizuget dat die vader vp
N548A-391,3	fi vûr fime richtere als hie vûr gefcriuen
N548A-391,4	is felue dirdeme vp den heiligen die felue
N548A-391,5	fint elois vnd rechtlois ewelichen Der vader
N548A-391,6	mach ever fich neit bireden der dinge
N548A-391,7	hene bizûge e den fun als da vûr gefcriuen
N548A-391,8	is Bizuget he dar na die deinfstmanne oue
N548A-391,9	die eygene lude der richter in des gerichte
N548A-391,10	dat gefcheit is fal fi ze achte dÛn vnd fal
N548A-391,11	fi nemer dar vs layfen [fi] [en] [gelden] dem vader finen
N548A-391,12	fchaden zveiueldig den hie van îrme råde
N548A-391,13	ove van helpen genomen hait vnd dem rich=tere
N548A-391,14	fin recht vnd [haint] fi leen van dē vadere
N548A-391,15	die leen fûlen ledich fin dē vadere zû hant
N548A-391,16	fo he fi bizuget vnd fal fi in nêmer wêder
N548A-391,17	gelien Vnd leynt hie fi wieder fo fal hê
N548A-391,18	fo vil alf der leen ist dēme richter geuen
N548A-391,19	ane wêder rede An alle dÛfen fachen dē
N548A-391,20	hê vûr gefcriuen fint mach eyn ewelig fchin=bere
N548A-391,21	man der fich recht hât behalden hê
N548A-391,22	fi furfte ove anders eyn hōman dem vader
N548A-391,23	helpen bizugen fowat he weis Eyn deynft=man
N548A-391,24	mag[e]t oich bizugen mit anderen deynft=mannen
N548A-391,25	eyn eygener mit fime genoizen
N548A-391,26	ên gebÛyr mit fime genozen Eyn ewelig
N548A-391,27	vrijman helpet wal eyne deinfstmanne of
N548A-391,28	heis weit Js ever dat dē vader van ge=vencniffe
N548A-391,29	ove van ander noit dat recht neit
N548A-391,30	gevordren in mach fo fal it eyn fin maich
N548A-391,31	dÛn vnd fal dar na bewerer zû den heiligen
N548A-391,32	dat tem vadere kenlige noet dÛ dat hê dâr
N548A-391,33	neit komen in mach vnd fal dē noit nennen
N548A-391,34	vnd wanne hê dat biredet fo fal im recht
N548A-391,35	vmb de clage gefcheyn andes vaders ftait
N548A-391,36	alfo ove dē vader felve dâ were Eyn deynft=man

N548A-391,37 helpet es oig wail eime finē vngenozē
 N548A-391,38 dē nēderen mūgen is den hoyren neit ge=helpen
 N548A-391,39 Jn geliger wis als wir van dem
 N548A-391,40 vader haven gefēt alfo wille wir dat man dat
 N548A-391,41 felue van der mūder vorfte Wir setzen vnd
 N548A-391,42 gebieden wat schaden ieman gefche dat te
 N548A-391,43 felue neit enrichte hēne clage zeirft fime
 N548A-391,44 richtere vnd w̄lge finer clage an dan ende
 N548A-391,45 als it recht ist it en fie dat hē zehanden fi

N548A-392,2 zenoitweres fines lives vnd fines gūdes
 N548A-392,3 Sowe fig anders richt dan hē v̄r gefcriuen
 N548A-392,4 is wat scaden im dar vmbe ieman deit den
 N548A-392,5 fal er im zveivalt gelden vnd wat scaden
 N548A-392,6 in gefcheit is dē fal gar verloren fin vnd
 N548A-392,7 fal nimer dē haine clage dār nā gewinnen
 N548A-392,8 Sowe euer fine klage volfūret als da ge=scriuen
 N548A-392,9 is wirt im neit gericht vnd mūz hē
 N548A-392,10 dūrg noit finen vienden wēderfagen dat
 N548A-392,11 fal hē bi dage dūn vnd van deme dage dat
 N548A-392,12 heym wēderfacht hāt bitz anden veirden
 N548A-392,13 dag fal her im engeinen fcade dūn weder
 N548A-392,14 an live nog an gūde fō hāt hē drij ganze
 N548A-392,15 dage vrēde Oich fal der dem da wēderfait
 N548A-392,16 wirt bis an den veirden dag en geynen
 N548A-392,17 scaden dūn dem dē im wider fagt hēt An
 N548A-392,18 wēlichere dūfe fatzūnge gebroche wūrde
 N548A-392,19 dē fal fime richtere clagen vnd fal de
 N548A-392,20 richtere im vūrgebēden felue ove mit fime
 N548A-392,21 boten vnd mach dē felue dem da vūrge=boden
 N548A-392,22 is neit entschuldigen em felue s̄venden
 N548A-392,23 êrberen luden v̄r dē richter so is hē
 N548A-392,24 elos vnd rechtlois eweligen alfo dat hē
 N548A-392,25 nēmer kūmen in mach zū fime rechte An
 N548A-392,26 weme dē hantfride ge brochen wirt bizuget
 N548A-392,27 hē dat vp ten hēligen v̄r fime richtere
 N548A-392,28 mit tem dē den hantfride gemacht hāt in
 N548A-392,29 mit fwēn anderen fcinberen mannen dē
 N548A-392,30 ir recht bi halden hāt dāt te hantfride an
 N548A-392,31 im gebrochen fi dē richter fal inen in de
 N548A-392,32 achte dūn dē den hantfriden gebrochen hāt
 N548A-392,33 vnd fal in nemer vzer der achte lazen ane
 N548A-392,34 des clegers wille ove he vūrluft de haynt
 N548A-392,35 dār vmbe Js euer de hantfride mit ême
 N548A-392,36 dōtflage gebrochen fō fal des maich eyn
 N548A-392,37 dē da erflagen is clagen vnd fal den mort
 N548A-392,38 bereden alf da vūrgefcriuen is Vnd wanne
 N548A-392,39 he dat beredet fō falman ienen nēmer vz

N548A-392,40	der achte lazen he ne geve den lif dar
N548A-392,41	vmbe vnd fal elos vnd rechtlôs fin Wilt
N548A-392,42	euer de dê den hantfride gemacht hât ove
N548A-392,43	intfangen iem des gerichtes neit gefstayn dat
N548A-392,44	dê fride an iem gebrochen fi dem fal der
N548A-392,45	richter ge bêden bi vnfen hulden dât hê
N548A-392,46	ieme helpe fines rechtes ove hê mûz fveren
N548A-392,47	vp den heiligen dat hêz neit inwizze leift
N548A-393,2	heit euer vmbe sippe vnd dûrch eynicherhande
N548A-393,3	dinc hê is vns vnd dem richtere
N548A-393,4	dê hânt sculdig Wir fetzen vnd gebêden bi
N548A-393,5	vnfen hulden dat alle vnfe furften vnd alle
N548A-393,6	dê dê gerichte vâns vns hauent rechte richten
N548A-393,7	als des landes fide vnd gewoneit fi vnd
N548A-393,8	dat felue gebêde wir den dê gerichte vâns
N548A-393,9	ien hânt dât fi rechte richten vnd der bûze
N548A-393,10	neit ien laizen dê ien irdeilt wirt Wir fetzen
N548A-393,11	vnd gebêden dat ien geyn richter ieman
N548A-393,12	ze achte dû wân offenliche vnd dat iengein
N548A-393,13	richter ieman vz der achten laze hene
N548A-393,14	neme dê gewilhêt dat deme cleger gericht
N548A-393,15	werde na des landes gewonheit Sowê des
N548A-393,16	neit in dêt vuer den wille wir richten fcherp=ligen
N548A-393,17	als it recht is vnd wat vns vuer ien
N548A-393,18	oirtêlt wirt des in wille wir neit lazen noch
N548A-393,19	nêman vuerfeen noch nêman fchonen Vnd
N548A-393,20	gebeten oich vnfen furften dat fi mit ter
N548A-393,21	buzen dvingen dê van den fi gericht hânt
N548A-393,22	Deitz oich dê richter neit so fûle wir vuer
N548A-393,23	ien richten alft recht is Wir geloven dat
N548A-393,24	wir dat felue fûlen halden Wir fetzen vnd
N548A-393,25	gebêden wat ieme richtere geweddet wirt
N548A-393,26	dat he den achter vs der achten leift dat
N548A-393,27	heit dat gar neme vnd des neit in laze
N548A-393,28	dûrch dat dê lude des dungerner in dû
N548A-393,29	achte kûmen Wir wille oich felue vnfrechts
N548A-393,30	neit lâzen Wir fetzen vnd gebêden dat man
N548A-393,31	dê pailburger in allenhalven lâze wir willen
N548A-393,32	ir in vnfen fteden ien geyne haven Wir
N548A-393,33	gebêden vnd fetzen dat ieman ingeynen
N548A-393,34	muntman have Wir uerbêden oich bi vnfen
N548A-393,35	hulden dat nêman den andren dûrch dat
N548A-393,36	lant geleide vmbe ien gein gût hêne have
N548A-393,37	dan dat geleyde van dem riche Dat ârmen
N548A-393,38	vnd richen des dû ficherliger varen vnd
N548A-393,39	vliezzen mûgen so gebêde wir dat nêman
N548A-393,40	in geynen nuwen tol noch geleide in mache

N548A-393,41	noch nêman fal vordren vp dem lande noch
N548A-393,42	vp wazzere vnd dat alle dê tolle dê mit
N548A-393,43	vnrechte gehoet fint anders dan fi van al=ders
N548A-393,44	gefat fint dat dû felue hoinge ave fi
N548A-393,45	vnd dê tol blive als he van rechte fal So wê
N548A-394,2	da wider deit dê hât den lantfride ze=brochen
N548A-394,3	vnd vmbe den bruch so is hê in
N548A-394,4	der achten vnd in des pavês banne den
N548A-394,5	hê jarliges kundiget an dem grûnen dun=rezdage
N548A-394,6	vnd in des legates banne den
N548A-394,7	he vmbe vnrechte tolle zû Wirtzburg in
N548A-394,8	deme concilij gekundet hât Nêman fal oich
N548A-394,9	engeynen tol nemen wan ze rechte jn da
N548A-394,10	man in zerechte nemen fal Sowê dat bricht
N548A-394,11	den fal man haven vûr einen strazeroyver
N548A-394,12	Wir fetzen vnd gebêden dat alle dê tolle
N548A-394,13	dê fêder keyfer Frideriches ziden vp ge=fât
N548A-394,14	fint vp wafzer ove vp lande van weme
N548A-394,15	fi gefat fint dat fi gar ave fin et ien fi
N548A-394,16	dat der dê ien hât bereden mûge vûr dem
N548A-394,17	riche dât hê ne zû rechte haven fûle Alle
N548A-394,18	dê dê tolle nement vp wafzer ove vp lande
N548A-394,19	dê fûlen den wegen vnd den brucken ir
N548A-394,20	recht halden mit machene vnd mit beffe=rungen
N548A-394,21	vnd van dem fi nement den tol
N548A-394,22	den fûlen fi bifriden vnd geleiten nâ ir
N548A-394,23	mâcht als veirre als ir gerichte gât dat hê
N548A-394,24	nêt verlêfe Sowê dîfe gebot ze drin mâlen
N548A-394,25	bricht wirt hês bi zugêt vûr gerichte als
N548A-394,26	it recht is dê tol fal deme riche ledich fin
N548A-394,27	Man fal de rechte lantstrâze varen vnd fal
N548A-394,28	neman dvingen den anderen van der rechte
N548A-394,29	strâze Wâ svêne mit einander vrlûgeint
N548A-394,30	vnd der eyn oue fi beide geleide hânt sowe
N548A-394,31	den zû leide dê straze ane grift wirt hê
N548A-394,32	des mit rechte vuerzugêt vuer den fal man
N548A-394,33	richten als vuer eynen strâze rôbeir So wê
N548A-394,34	burge ove ftede ove ên geynrehande bu
N548A-394,35	machen wilt dê falit mit fime gude dûn
N548A-394,36	ove finre lude gûde vnd neit van finre lânt=lude
N548A-394,37	gûde Sowê dar vuer êngeynen tol ove
N548A-394,38	ên gên vngelt nîmt in engêner ftât oue vp
N548A-394,39	êniger strâze vuer den fal man richten als
N548A-394,40	vuer ênen rôbere Alle dê mûnze dê fint
N548A-394,41	keyfer Frideriches dode gemachet fint van
N548A-394,42	weme fi gemachet fint dê fulen gâr abe
N548A-394,43	fin it ên bi zuge dan vûr deme riche der

N548A-394,44	dê fi da hêt dat hê fi ze rechte haven fûle
N548A-394,45	Wê vp iemans penninc eyningen valfch fleit
N548A-395,2	ove hât geflagen den falman haven vûr
N548A-395,3	eynen velfchere Wê oich ên andere mûnze
N548A-395,4	machde obe flûge dan vanme riche van
N548A-395,5	alders kûmen is swi gewere ove gut du
N548A-395,6	were it fi an gewichte gemelde ove fwere
N548A-395,7	den fal man vûr eynen velfchere haven
N548A-395,8	vnd wanne hê des mit rechte vûerzugêt
N548A-395,9	wirt dê fal fin recht hân vêlören Jn wê=liches
N548A-395,10	herren gerichti ove geleide it fi vp
N548A-395,11	wafzer oue vp lande ên koifman oue fus
N548A-395,12	ên man biroyuet wirt van des herren ge=finde
N548A-395,13	amptman burgman ove dênstman
N548A-395,14	der hê herre geweldich is ân alle argelift
N548A-395,15	dat fal dê herre indes gerichte oue geleide
N548A-395,16	dê biroivet is gelden Wirt euer ieman
N548A-395,17	beroiuet in fines herren gerichte oue geleide
N548A-395,18	vnd dat neit infche van finen gefinde ampt=man
N548A-395,19	dênstman oue burgman dem fal der
N548A-395,20	lantfride biholpen fin dat wêder zedûne
N548A-395,21	Wir fetzen oich vnd gebêden vefteliche dat
N548A-395,22	fo wa it nôt gefche dûrch bruche des lant=frides
N548A-395,23	dê nêften dê da bi gefeffen fint da
N548A-395,24	de bruch gefcheit is den lântfriden bifchir=men
N548A-395,25	inde helpen weren vnd vermugen es
N548A-395,26	dê neit fo fûlen es dê dûn dê dar na dê
N548A-395,27	nêften fint vnd dar zû fûle wir den helpen
N548A-395,28	oues noit is Wir gebêden oich vefteliche
N548A-395,29	dat man in allem Rûmefchem riche ân geift=lichen
N548A-395,30	dingen nâ gebode vnd na råde der
N548A-395,31	erzebifchoue fîch halde vnd der bifchoue
N548A-395,32	vnd der erzepriftre nâ geiftlichem rechte
N548A-395,33	vnd wê da wêder is den fal man hân vûr
N548A-395,34	ienen vngeloyuigen man Man fol oich we=reltliche
N548A-395,35	gerichte ân fime rechte halden Wir
N548A-395,36	gebêden vefteingliche als it recht is dat dê
N548A-395,37	godefhufer vôgde den godefhufen vir fên
N548A-395,38	vnd fi fchirmen vp ir vochtey als it wêder
N548A-395,39	got walfte vnd oich vnfen hulden vnd fîch
N548A-395,40	ander gothufen gût alfo hauen dâ ir vochtey
N548A-395,41	is dat vns ien gêne grôze clage van in
N548A-395,42	kûme So we des nêt ên deit kumt it vns
N548A-395,43	zeclagen fo wille wir itz richten alfo ve=ftenclige
N548A-395,44	als it recht is dat wir dâr ane
N548A-395,45	nêman fchonen willen Wir willen oich

N548A-396,2	vnd gebêden dat vuer eyn cloister ove
N548A-396,3	vuer eyn godzhus nêt tan ên voyt fi alslange
N548A-396,4	der lântfride wert vnd wê des neit
N548A-396,5	enwûlde oue dâ wêder dêde den fal der
N548A-396,6	lântfride dvingen vnd wanne der lânt=fride
N548A-396,7	vs geit fone fal it nêmanne an fime
N548A-396,8	rechte scaden Wir vûr bêden oich bi vnfen
N548A-396,9	hulden dat nêman dûrch eynes voychtes
N548A-396,10	fchulde noch ieme zeleyde des gôtzhus
N548A-396,11	gût dâ hê voyt is wêder birne noch royve
N548A-396,12	noch pênde We dat dair vuer deit wirt
N548A-396,13	hê des vuer zugêt als it recht is vûr dem
N548A-396,14	richtere den fal man zû achte dun vnd
N548A-396,15	fal ên vfzer achte neit lazen hê ne gelde
N548A-396,16	den scaden drijftunt als dure als dê is vnde
N548A-396,17	fûlen dê zveideil dem gotzhufe werden vnd
N548A-396,18	dât deirdeil dem voychde Wir vîrbêden
N548A-396,19	oich dat nêman pende ane des richters vrlôf
N548A-396,20	We it da vuer deit vuer den falman richten
N548A-396,21	als vuer eynen strafze royuere Wir fetzen
N548A-396,22	vnd gebêden fo wê wizzencliche roif ove
N548A-396,23	dêve gût koifvêt oue roiver oue deife wiz=zencliche
N548A-396,24	bêhelt vnd nîcht achter fînt wirt
N548A-396,25	hê des bizuget vûr dem richtere nâ rechte
N548A-396,26	fo fal he zedem eirften den scaden zveivel=dichlige
N548A-396,27	gêlden dem hê gedân is hê fi duff=lich
N548A-396,28	oue royvich Wirt heis bizuget zeynen
N548A-396,29	male hê ne haue gedân Jft eyn roif fo
N548A-396,30	falman vuer in richten als vuer eynen
N548A-396,31	royver Jft ez dufflich fo falman vuer ien
N548A-396,32	richten als vuer eynen deif Wir gebêden
N548A-396,33	dat nêman en geynen achter gehalde wiz=zincliche
N548A-396,34	Sowe it dar vuer deit wirt heis
N548A-396,35	bizuget man fal vuer eyn richten als vuer
N548A-396,36	eynen achter Mach he euer fig vntreden
N548A-396,37	mit siuen fcinberen mannen dat hêr neit
N548A-396,38	in wizze dat her ein achter was hê fal
N548A-396,39	vnsculdich fin Sowe eyn achter wirt wer
N548A-396,40	den fchirmt wâ man in anegrifet wirt hê
N548A-396,41	des bizuget zerecht man fal vuer ien rich=ten
N548A-396,42	als vuer eynen achter Jn wîlche ftât
N548A-396,43	der achter kûmt da in fal man ên neit
N548A-396,44	halden noch ên geynen koif geven noch
N548A-396,45	vergeben geben noch fal vmb in neit kov=fen
N548A-397,2	noch in fal ên nêman fcirmen man fal
N548A-397,3	in miden an allen dingen Hêlt in eyne ftât
N548A-397,4	gemeylichen ove wizenliche is fi vmbe=muret

N548A-397,5	der richter fal si nider brechen vnd
N548A-397,6	fal ouer den wirt dê in behaldet richten
N548A-397,7	als vuer eynen achter vnd fal sin hus
N548A-397,8	zefûren Js euer dê stat vngemuret so fal
N548A-397,9	si der richter birnen Set sich dû stat da
N548A-397,10	wider stat vnd lude sint rechtlois Mag der
N548A-397,11	richter da neit gerichten so fal heit kunden
N548A-397,12	dem kûninge der fal it van des riches ge=wâlt
N548A-397,13	dwingen Wir setzen dat tes riches
N548A-397,14	hoif haue einen hoverichter dê en vrijman
N548A-397,15	si dê fal an dem ampte ze minsten ein iar
N548A-397,16	bliuen ove[he] sich rechte vnd wal hait Dê
N548A-397,17	fal oich alle dage zegerichte sitzen ane de
N548A-397,18	sunnendage vnd ane grôze heiliche dage
N548A-397,19	vnd fal allen luden richten dê im clagênt
N548A-397,20	vnd van allen luden ane fursten vnd andere
N548A-397,21	hoe lute so wâ it geit an ir lif oue an ir
N548A-397,22	recht oue an ir erve oue an ir leen dat
N548A-397,23	wille wir felve richten We oich mit ge=richte
N548A-397,24	verderft wirt dâr vmbe fal nêman
N548A-397,25	eyngêne [vientſcaf] hauen We auer dar vmbe
N548A-397,26	êman veit dê fal in des felue sculden sin
N548A-397,27	vnd in der feluer miſtât als dê felve was
N548A-397,28	dê da verderueit is Vnfer houerichter
N548A-397,29	in fal oich nêman verdragen her ein dûz
N548A-397,30	dan mit vnſme funderlichme gebote Hê ne
N548A-397,31	fal oich nêman zû achte dûn noch vzzer
N548A-397,32	achte laizen want tât fûle wir felue dûn
N548A-397,33	vnd willens oich anders nêman geſtaden
N548A-397,34	dat hê sich da mit vuerlade Wir gebêden
N548A-397,35	oich dat man alle vûrgebot mit brêuen dû
N548A-397,36	vnd brêue dâr vuer geue wê man van
N548A-397,37	gerichte geſcheide vmbe dat dat man mit
N548A-397,38	ten brêuen vnder des houerichters jnge=ſigel
N548A-397,39	bereden mûge dat vûrgebôt vnd du
N548A-397,40	zil vnd dê dage dê vûrgerichte genomen
N548A-397,41	sint Sowê den lântfride neit in fwirt in
N548A-397,42	eynen maende nâ deme dat he gekundigt
N548A-397,43	wirt offenclige in dem biſchodûme da hê
N548A-397,44	ſitzet wat deme geſcheit dat in fal nêman
N548A-397,45	richten wêder mit geiſtlichem noch mit
N548A-397,46	wereltlichem gerichte vnd wât en geſcheit
N548A-397,47	mit rade oue mit dade an live oue an gûde
N548A-397,48	dat en fal nêman richten Wê oich den
N548A-398,2	lântfride svirt vnd ien dar na bricht dê
N548A-398,3	fal in veirzeynnachten den bruch beſſern
N548A-398,4	vnd wider dûn so heis gemânt wirt van

N548A-398,5	dem dê da richter is Deit heis neit fo
N548A-398,6	fal hê meyneichdige fin vnd fal in der bi=fchhof
N548A-398,7	ove dê ertzebiſchhof in des biſchtûm
N548A-398,8	hê fitz ze banne dûn vnd der kûninc ze
N548A-398,9	achte dûn vnd der furſte ove der greve
N548A-398,10	in des gerichte hê fitz ze achte dûn vnd
N548A-398,11	fûlen dê banne vnd achte nîmer ave gelâ=zen
N548A-398,12	werden hêne have den bruch gebûzet
N548A-398,13	vnd gebezzert We oich den dê van bruchen
N548A-398,14	des lântfriden meynêdich bennich ove âch=tich
N548A-398,15	wirt behelt hufet ove hovet eicht dage
N548A-398,16	fo it êm verboten wirt dê fal in den feluen
N548A-398,17	ſculden fin als dê is dê in wizzencliche nâ
N548A-398,18	deme gebode behufet vnd behalden hât Jt
N548A-398,19	en fal oich neman dê lude halden ove hôfen
N548A-398,20	dê nû vuer feint fint ove nôch vuer feint
N548A-398,21	werdent dê ſchedelich fint deme lânde Sowe fi
N548A-398,22	euer interhaluen êchterdage dar nâ dait in
N548A-398,23	verboten wirt neit ên lîzze dê fal den lântfri=den
N548A-398,24	gebrochen hân vnd in dê vûrgenande bûze
N548A-398,25	vallen achte vnd ban So wê den lântfride
N548A-398,26	bricht vnd den bruch neit vp richten wilt
N548A-398,27	vnd dar vmbe van dem lântfriden beſezzen
N548A-398,28	wirt oue dê dê den lântfride geſvoren hânt
N548A-398,29	da van zeſchaden brengt den fal dê lânt=fride
N548A-398,30	dwingen dat hê mit alle finen veſten
N548A-398,31	vnd mit fime gûde ie dem manne nâ finre
N548A-398,32	mâze finen ſcaden aue lege alsverre fin
N548A-398,33	gût gelangen mach Dufe ſatzunge vnd duſe
N548A-398,34	recht fal man alle zit ſtêde halden vnd fal
N548A-398,35	man oich dar nâ richten wânt ſij van alders
N548A-398,36	her comen fint vnd mit rechte vnd mit gunſt
N548A-398,37	vnd van råde der furſten geſat fint Sich
N548A-398,38	vûrbindet auer zû difen male ze dieſen
N548A-398,39	lântfride mit eyden nêman wân van hinne
N548A-398,40	van ſanct Johans miſſe des baptiſten vnd
N548A-398,41	van danne vuer drû jar Dat haint dê furſten
N548A-398,42	vrien greuen deynſtmanne vnd gemey=lichen
N548A-398,43	des riches truwen vnd hoilden zû den
N548A-398,44	heyligen geſvoren alſo doch dat ie der man
N548A-398,45	hê ſi furſte greve vrie ritdêr man deynſt=man
N548A-399,2	burge ſtede veſtene paffen vnd leen
N548A-399,3	bi irem rechte bliuen Wat oich dê furſten
N548A-399,4	vnd dê lântzheiren in irme lânde mitter
N548A-399,5	heiren rade ſetzen vnd machend dêſen lânt=fride
N548A-399,6	ze beſſerne vnd ze veſtene dat mûgen
N548A-399,7	ſij wâl dûn vnd da mit in brechent ſij des

- N548A-399,8 lântfriden neit Vnd ze eyne rechtme vrkunde
 N548A-399,9 fo hân wir vnse kûnincgliche jngefigel an difen
 N548A-399,10 breif gehenkeit Dirre lântfride wart ge=macheit
 N548A-399,11 vnd der breif wart ge geven vnd
 N548A-399,12 gefcrêuen zû dem offen hove in dem concily
 N548A-399,13 ze Wirtzeburch ân vnser vrowen auent der
 N548A-399,14 in der vaften stêt dû man zalte van vnser
 N548A-399,15 herren gebûrde duſent zvei hundert vnd
 N548A-399,16 sêven vnd eychzich iar vnd in dem veir=zeyndeme
 N548A-399,17 jare vnser richen Vnd want wir
 N548A-399,18 kûninc Adolf dêse satzung des lântfriden
 N548A-399,19 van woirde ze wôrde als hê vûr gescriben
 N548A-399,20 is van rade vnd mit gunſte der furſten
 N548A-399,21 greuen vrien der stede vnd anderen des
 N548A-399,22 richen getruwen ernuwêt hân vnd hê ge=fvoren
 N548A-399,23 is anderwarf ze haldene van fûnte
 N548A-399,24 Remegis dage dê da wâs do man zalte van
 N548A-399,25 gôtz gebûrden duſent zweihundert zvei vnd
 N548A-399,26 nûnzich iar zeyn iar ze haldene dê dar na
 N548A-399,27 kûment ân mittel des hân wir ân me
 N548A-399,28 vrkunde difen breif heifen befigelen mit
 N548A-399,29 vnſme kûnincliche jngefigele Dit wârt
 N548A-399,30 gegeben ze Kolne an dem anderen dage
 N548A-399,31 na funte Remegis dage van goitz gebûrde
 N548A-399,32 als it vûr gefcrêuen is jn dem eirſtem jare
 N548A-399,33 vnser richen
- 1758-68,26 JN Godes namen amen· Dat si kûnt allen den die diesen breif ane gefeint·
 Dat
 1758-68,27 wir Johan der heirre van Riffenscheit inde van Bedebure mit den Erlamen
 luden den·
 1758-68,28 Richteren/ den· Scheffenen inde den· Bûrgeren van kolne· mit rade vnser
 Mage/ inde
 1758-68,29 vrûnde ouerdragen han alſus/ Dat wir Johan inde vnſe Erven die na der zijt
 ce Bede=bure
 1758-68,30 heirren ſint/ ce kolne bûrgere wûrden ſin· inde wesen ſûlen erfliche/ So dat
 wir
 1758-68,31 inde die ſelue vnſe Eruen· die Burgere van kolne ſemenliche inde
 funderliche in vnſeme
 1758-68,32 lande inde vnſer heirſcheffe/ inde in vnſme gerichte inde oig enbuszen
 vnſme lande
 1758-68,33 mit gûden truwen biſchirmen/ bevrieden inde behûden ſûlen an liue inde
 an gûde/
 1758-68,34 gelicher wiſ alſe vnſer ſelues lude funder arge liſt· Dat si oug ce wiſſene dat
 wir inde
 1758-68,35 vnſe lude in kolne beſchirmet ſûlen ſin inde vrideliche geliche den bûrgeren
 van kolne·

- 1758-68,36 Vort fi dat ce wiſſene dat wir de ſtat/ inde die Būrgere van kolne na vnſer māht halden
- 1758-68,37 inde hūden fūlen in alle deme rechte/ inde in der vriheide/ inde in den gūden gewonden
- 1758-68,38 die fi van aldērs mit haintveſtingen/ in geſchrichte/ inde fūnder geſchrigte here hauint
- 1758-68,39 bracht· inde da fi nū inne fint· inde ſitzint· Were oig dat die· Būrgere van kolne da
- 1758-68,40 ane ieman druckin oue drengen wūlde in einicher wiſen mit gewelde inde zunrechte/
- 1758-68,41 wieder den fūlen wir der ſtede inde den Būrgeren van kolne radin inde helpin gelicher
- 1758-68,42 wiſ alſe ein getruwe būrgere ſiner ſtede ſchuldich is ce dūne· So dat wir in neit wieder=ſagen
- 1758-68,43 enmūgen/ inde ſij engeine wiſ bigeuen enfūlen· Vort enfūlen wir die· Būrgere
- 1758-68,44 van kolne beide in vnſme lande/ inde anderſwa neit biſwēren lazen na vnſer maht ce
- 1758-68,45 vnrechte· Were euer dat einich Burgere van kolne in vnſme gerichte iemanne beklagede
- 1758-68,46 ove van iemanne biklagit wūrde/ v̄mbe ſchūlt/ ove v̄mbe einiche andere ſache/ ſo fūlen
- 1758-69,1 wir den burgere van kolne/ gūt inde genedich gerichte dūn dūn funder vair/ dat ſelue
- 1758-69,2 ſal oig vnſen luden binnen kolne geſchein· Js oig dat einich vnſer lude binnen kolne/
- 1758-69,3 ove einich būrgere van kolne binnen vnſme gerichte· einiche ſchūlt machde/ ove des
- 1758-69,4 Got neit ien wille einichge miſſedait dede/ dar v̄mbe enfūlen wir en in eine fide noch
- 1758-69,5 die būrgere van kolne in andir fide/ niemanne andirs v̄nſchuldicher lazin beſweren·
- 1758-69,6 noch pendin· mer ein iewelich kleger ſalīme mit rechte laiſzen genūgen· Quemit oig
- 1758-69,7 alſo dat dei Būrgere van kolne v̄ns helpin ane geſūnnen ſo fūlen wir in ce helpin ſelue
- 1758-69,8 hendlingen binnen kolne kūmen mit zwein Ridderen inde Echte knappin· mit den
- 1758-69,10 wapinnen v̄p ouerdecktin orſin· inde helpin in/ inde der ſtede van kolne/ na vnſen eren
- 1758-69,11 v̄p iere koſt/ alſo dat fi v̄ns fūlen geuen ce Mainde Seis marc kolfchir penninge/ inde
- 1758-69,12 v̄r einen iewelichen vnſen Riddere alſo viele· inde v̄r einen iewelichen vnſen knappin
- 1758-69,13 drij marc· ce Mainde· Oig fi· dat ce wiſſene ſo wanne die Būrgere inde die ſtat van

1758-69,14	kolne vnfer helpin haint ce dūne enbufzen kolne/ fo fūlen wir in helpin mit aller vnfer
1758-69,15	macht· inde na vnfen eren ṽp vnfe koft funder allerhande arge lift· Vort fo fūlen die
1758-69,16	Būrgere van kolne ṽp vnfen Hufen indein allen/ vnfen veftinningen inthaldin fin/ inde
1758-69,17	ṽp/ inde af riden vrijlichen ze allen ieren ṽrbūren· Quemit oig alfo des Got neit in
1758-69,18	wille dat einiche zweiuunge ove zwift tūffchin ṽns inde vnfen luden in eine fide· inde
1758-69,19	den Būrgeren van kolne ṽp andir fide/ ṽp liefē/ dar zū hain wir drij vnfer Manne/
1758-69,20	inde fi drij ierre būrgere gefchickit die des macht hauent der nieder ce leginne
1758-69,21	binnen vierzich dagen mit gūden truwen vp ieren eit· Jnde vmbe diefe ṽurworde inde
1758-69,22	diefe vrūntſchaf trūweliche ce haldene inde ce dūne fo hait ṽns die ſtat van kolne
1758-69,23	gegeuen ṽunfzein marc geldis iairlichges binnen kolne ṽp fente Mertines dage ce geldene
1758-69,24	an redelicheme erue/ alle ṽnfe ṽrbūre da miede ce dūne· Vz beſcheiden dat wir inde
1758-69,25	vnfe Eruen dat erue neit verlenen· noch vercoufen enmūgen/ noch enfūlen it enbliue
1758-69,26	an ṽns inde an ṽnfen eruen/ die heirren ce bedebure wfen fūlen erfliche· Jnde hain
1758-69,27	wir ṽurgenande Johan der heirre van Rifferſcheit inde van Bedebure mit gegeuenre
1758-69,28	truwen gefichert inde gefworen cen heilichen alle diefe vorworde ce dūne inde ce haldene
1758-69,29	truweliche ane allerhande arge lift· Jnde willen oig dat ein iewelich vnfer eruen die
1758-69,30	heirre ce bedebure is/ diefe felue ṽurworde ernuwe inde ſtede/ halde truweliche an
1758-69,31	arge lift· Jnde wir Richtere· Scheffenen· der Rait inde die· Būrgere van kolne ergein
1758-69,32	mit deifme brieve dat alle diefe/ ṽurworde wair ſint/ inde hain vnfe· Būrgeremeiſtere
1758-69,33	mit gegeuenre truwen inde ane arge lift ṽur ṽns allen dūen gelouen diefe ṽurworde
1758-69,34	ſtede ce haldene· Jnde ṽp dat diefe dinc vaſte fin inde ſtede bliuen/ fo hain wir der
1758-69,35	ṽurgenande Johan an eine fide/ inde wir die ſtat van kolne ṽp/ ander fide vnfe Jnge=ſiegele
1758-69,36	an diefen breif gehangen· Dit is geſcheit na godes gebūrde· Duſint jār· zwei
1758-69,37	Hūndirt iair/ inde Drūu inde Nūnzic iair· des eirften dagis des Bramayndes· Jnde heit

1758-69,38	vnser iewelich part diefer brieve einen besiegelet mit vnser beidere ingefiegelen
3485-566,43	JN Godes namen amen· Dat si kûnt allen den die diesen breif ane gefeint dat wir
3485-566,44	Walrauen van Gulege heyrre van Bergheym mit den erfamen Luden den· Richterem
3485-567,1	den· Scheffenen deme· Rade· inde den· Bûrgeren gemeynlichen van kolne/ ouermidz
3485-567,2	vnse· Mage inde vnfen Rait vrûntlige ouerdragen hain alfus· Dat wir inde vnse·
3485-567,3	Nakûmelinghe die vnse gerechte Eruen sint ze kolne bûrgere worden sin inde wesen sûlen
3485-567,4	erflige· so dat wir inde vnse· Nakûmelinghe die vnse rechte Eruen sint die Bûrgere van
3485-567,5	kolne fementliche inde funderliche in al vnseme lande inde vnser herscheffe inde in
3485-567,6	vnseme gerichte/ inde oig in bufsen vnseme lande mit gûden truwen bischirmen beviden
3485-567,7	inde behûden sûlen an liue inde an gûde gelicher wis als vnse selues lude/ inde vnse
3485-567,8	Bûrgere funder arge list· Dat si oig ze wiffene dat wir inde vnse lude in kolne bischirmet
3485-567,9	sûlen sin inde vriedeliche geliche den Bûrgeren van kolne· Vort si dat ze wiffene· dat
3485-567,10	wir dē stat vnde dē Bûrgere van kolne na vnser macht halden inde hûden sûlen in alle
3485-567,11	deme rechte inde inder vriheide inde in den gûden gewoneden die si van alders mit
3485-567,12	haintvestingen in geschrichte inde funder geschrichte here haint bracht inde da si nû inne
3485-567,13	sint inde sitzint· Were oig dat dē· Bûrgere van kolne da ane ieman drucken oue drengen
3485-567,14	wolde in eynicherwisen mit gewelde inde zûnrechte wieder den sûlen wir der stede inde
3485-567,15	den Bûrgeren van kolne raden inde helpen gelicher wis als eyn getruwe Bûrgere finer
3485-567,16	stede schuldich is ze dūne· So dat wir in neit wieder fagen in mûgen inde si ingeine
3485-567,17	wis begeuen in sûlen· Vort in sûlen wir dē Bûrgere van kolne beide in vnseme lande/
3485-567,18	inde anderfwa neit bisweren lazen na vnser macht ze vnrechte· Were euer dat eynich
3485-567,19	Bûrgere van kolne in vnseme gerichte/ ēmanne beclagete oue van ēmanne beclaget wûrde
3485-567,20	vmbe schûlt oue vmbe enichge andere sâchge/ so sûlen wir den Bûrgere van kolne gûd/

- 3485-567,21 inde geneitlig gerichte dūn fūnder vair/ dat felue fal oig vnfen luden binnen kolne
- 3485-567,22 gefcheyn· Js oig dat eynich vnfer Lude binnen kolne/ oue eynich Būrgere van kolne
- 3485-567,23 binnen vnfeme gerichte eyniche ſchūlt machgede· oue des Got neit in wille eyniche
- 3485-567,24 miſdait dede/ dar vmbe in fūlen wir in eyne fide· nog dē Būrgere van kolne in ander
- 3485-567,25 fide nemanne andirs vnſchuldiger laifzin bi sweren noch penden· mer eyn iewelich clegere
- 3485-567,26 fal ieme mit rechte laifzin genūgen· Quemid oig alfo dat vns dē· Būrgere van kolne
- 3485-567,27 helpin ane geſūnnin ſo fūlen wir in zehelpin felue hendlingen binnen kolne kūmen mit
- 3485-567,28 Nūyn Ridderen inde mit vūnfzeyn knappin mit den wapenin v̄p ouerdecden orfen inde
- 3485-567,29 helpen in inde der ſtede van kolne na vnfen eren v̄p iere koſt/ alfo dat ſi vns mit den
- 3485-567,30 vūrgenūmden Luden geuen fūlen ze vnfer koſt ouer dag inde ouer nacht/ vūnf marc
- 3485-567,31 kolfchir penninge· Quemid oig alfo dat vns ieman v̄rlūgede dar vmbe dat wir der ſtede
- 3485-567,32 inde den· Burgeren van kolne hulpin inde beſtūnden alfo alſid hie vūre beſcrieuen is/
- 3485-567,33 ſo fūlin oue wir ſis ane geſinnen die felue· Būrgere van kolne buſzin kolne vns helpin
- 3485-567,34 hendelingen mit vūnfinzwenzich mannin gewapint van geſlegten mit ouer decdin orſin
- 3485-567,35 na ieren eren vp vnſe koſt· Were oig dat vns oue den Būrgeren van kolne ēman vnrecht
- 3485-567,36 dēde/ dar vmbe dat wir mit gemeyneme rade inde mit willen v̄rlūgen wūlden ſo fūlin
- 3485-567,37 wir vp vnſe koſt· inde na al vnfer macht· inde dē felue· Būrgere vp iere koſt na al
- 3485-567,38 iere macht/ vnfer iewelich deme andirme helpin inde biſtayn truweliche ane arge liſt·
- 3485-567,39 Quemid oig alfo des Got neit enwille dat eyniche zweynge oue zwift tuſchin vns/ vnfen
- 3485-567,40 luden in eyne fide/ inde den Būrgeren van kolne vp anderſide v̄p leiſſe/ dar zū hayn
- 3485-567,41 wir drij vnfer manne Riddere inde ſi drij irre Būrgere geſchikit die des macht hauint
- 3485-567,42 dat nēder zelegene binnen veirzich dagin mit gūden truwen vp eiren eyt· Jnde vmbe
- 3485-567,43 dieſe vūrworde inde dēſe· vrūntſchaf trūweliche ze haldene inde ze dūne ſo hait vns
- 3485-567,44 dē ſtat van kolne gegeuen Hūndirt marc geldis iarlichis binnen kolne an redelicheme

- 3485-567,45 erue alle vnse vrbure da mede ze dune· vs bescheiden dat wir inde vnse·
Nakumelinge
- 3485-567,46 dat erue neit verlenen nog verkoufin in mugen nog in fulin id in bliue an
vns inde an
- 3485-567,47 vnfen gerechten eruen erfliche· Jnde hauin wir der vürgenande Walrauen
van Gulege
- 3485-568,1 Heirre van Bergheym mit gegeuener truwen gefichert inde gefworen zen
heyiligen alle
- 3485-568,2 diese vürworde ze dune inde ze haldene truweliche ane alrehande arge list·
Jnde willen
- 3485-568,3 oig dat eyne iewelich de vnse gerechte erue is dese vürworde seluer irnuwe
inde ftede
- 3485-568,4 halde truweliche· Jnde wir die· Richtere die· Scheffenen der Rait inde die
Bürgere
- 3485-568,5 van kolne irgeyn mit dieseme brieue dat alle diese vorwurde wair fint inde
hain vnse·
- 3485-568,6 Bürgemeistere mit gegeuener truwen inde mit gefworin eiden vür vns allen
dun gelouen
- 3485-568,7 inde dun verbinden duse vürworde fteide ze haldene ane argelist· Jnde vp dat
diese dinck
- 3485-568,8 vafte fin inde fteide bliuen so hain wir der vürgenande Walrauen an eyne
fide/ inde
- 3485-568,9 wir die stat van kolne in ander fide vnse Jngesiegele an diesen breif gehangin·
Dit is
- 3485-568,10 gescheit na Godis gebürde Dufint Jar· zweihundert Jar· Nunyn inde/ Nünzich
Jar· des
- 3485-568,11 Saters dages vür funte Remeyes dage· Jnde vnser iewelich hait dieser breifve
eynen
- 3485-568,12 besiegelt mit vnser beyder Jngesiegelin·